

欽定剿平粵匪方略

欽定剿平粵匪方略卷三百七十一 甲子年

四月初九日己卯富明阿奏言據總統水

吳全美稟報三月十九二十等日賊衆竄至思義港對江沿岸及武家橋西北一帶經總兵郭定猷等督帶師船登岸迎擊該逆卻而復進又分股由北抄襲被參將林家祚伏兵圍擊該逆勢不能支遂各奔潰我軍尾追十餘里逆衆被

偏落水者不計其數二十夜開賊復由武家橋
紛竄江邊亦經郭定猷等督軍擊退連日共計
斃賊數百名現值常州官軍合圍丹陽擊退援
賊賊俱陸續前赴揚鎮各營投誠江防藉以稍
鬆太平洲一帶難民亦均紛紛回南又據層啟
綸稟報二十四日派隊進抵丹陽北門外駐紮
該逆由東北兩門蠢擁來犯我軍奮呼擊賊投

誠之周錫應等帶領降衆首先衝入賊隊各軍
會合併進賊勢稍卻我軍隨以大礮連環轟擊
左右馬步包抄正鏖戰時突有賊目數人帶賊
百餘名高聲乞降卽反戈相向逆衆驚懼四散
我軍乘勢掩殺斃賊四百餘名二十六日層啟
綸復親督各營分三路進取並派周錫應等乘
勢築營該逆分三股抵拒我軍槍礮齊施轟斃

逆匪甚衆該逆死拒不退參將李慶圓搶入賊
隊手刃悍賊數名中礮陣亡各軍奮力衝突連
壓數次賊勢仍衆副將李福興驟馬奮擊左腰
受傷猶裹創力戰適總兵張文德派令總兵楊
青山統帶鎮防馬步二千餘名由西路策應潛
躡其後賊見腹背受敵始行掣動各軍乘機猛
進前後夾擊逆勢不支紛紛潰遁共斬獲五百

餘名查丹陽一城爲金陵常州咽喉故僞英王叔及忠逆之子率領長髮悍賊負固死守意在牽掣我軍兼爲聯絡金陵常州之計前此援賊數萬雖經我軍擊退而句容金壇餘黨及常州西門敗賊五六千人屯聚於丹城東南門外各村並據降賊頭目等供將來金陵常州如實不能支亦必麇聚丹陽併力出竄是丹陽一隅之

地爲官軍所必取亦爲該逆所必爭前屢奉

諭旨飭令鮑超乘勝會攻丹陽臣昨接鮑超函稱會

國藩飭其駐守句容專備金陵出竄之賊兼防

東壩不能來丹會剿並囑馮子材撥兵換守金

壇等語伏思進剿丹陽雖有揚鎮兩軍祇能顧

及西北兩面若再分守金壇更覺鞭長莫及況

前准會國藩咨開漢南賊衆竄出已由楚豫東

下昨又據安徽臬司英翰來稟西路張總愚陳
大禧兩股會合漢南竄匪勢甚猖獗併力下犯
均欲圖救金陵若果有下竄之信則江北又形
喫重現擬將駐防靖江三營撤回揚防以固根
本其泰興四墩子一帶駐防各營仍飭劉成元
照舊駐紮備再有警報南渡之軍尙須酌撤回
揚以防西路爲今之計正宜乘援賊未至併力

攻取丹陽庶不爲賊牽掣臣又函催鮑超先其所急趕緊分兵會攻若得堅城早拔則金陵常州勢成孤注更易得手其丹陽附近之劉巷木橋等處賊衆陸續投誠前後有數千人除擇其強壯堪備戰陣者隨隊攻勦外其餘均令一律薙髮分別遣散臣等當於廉俸內捐備銀兩卽在丹徒縣地方設立撫恤局酌量程途遠近按

名發給路費派已革知府方長澤知縣吳炳庭
縣丞黃開儀總司其事並飭江甯揚州鎮江各
府地方官豫備船隻分投遞送再行酌加川資
以期妥爲解散此次陣亡之副將銜參將李慶
圓相應請

旨交部從優議卹

富明阿又奏冒查揚防馬隊除渡江攻取丹陽

現僅賸有一百餘名半係傷殘老弱不足以備
戰陣且翼長杜嘎爾又爲都興阿帶赴歸綏是
揚營旣無得力騎兵又乏大員總理臣骸疾尙
未痊愈不能親自督率設有警報實難禦敵因
思前撫臣唐訓方曾派副都統克蒙額管帶駐
臨馬隊官兵該副都統驍勇善戰治兵嚴肅所
部僅有官兵一百六十餘名精壯不過百名人

數無多不成隊伍且皖北現已全境肅清可無
需此馬隊合無仰懇

天恩俯准將駐防臨淮吉林黑龍江馬隊官兵挑選
精壯百名由克蒙額管帶來揚其餘傷殘老弱
仍由喬松年查明遣撤奏入

上命議政王軍機大臣傳諭僧格林沁富明阿馮子
材魁玉喬松年曰丹陽一城爲該逆必爭之地富

明阿請令鮑超會兵攻取丹陽策亦頗善惟因侍
堵各逆由皖南上竄江西前經曾國藩奏請令鮑
超一軍上援江西已允其請是鮑超之軍不獨不
能助攻丹陽並不能固守東壩仍著富明阿馮子
材督飭詹啟綸等就現有兵力實力攻拔不准耽
延並不准任賊出竄致令蹂躪他處劉巷木橋等
處降衆富明阿等捐廉資遣設局辦理飭令該委

員等實心經理不得有名無實此次打仗陣亡之副將銜參將李慶圓著交部照副將陣亡例議卹以慰忠魂臨淮現存馬隊不甚得力若調赴揚營則該處更形空虛現在楚豫賊匪圖犯皖疆以援金陵不可全無豫備陳國瑞現紮徐宿著僧格林沁酌量將該提督一軍調赴臨淮一帶扼要駐紮以備不虞如楚豫賊匪有竄近皖疆之信卽可飛

調陳國瑞一軍截勦並催提陝西所撥之常興阿等馬步各隊迅速赴豫一俟到營卽酌撥馬隊數百名赴皖交喬松年調遣以防賊匪下竄喬松年卽可騰山克蒙額所統馬隊全數赴揚歸富明阿調遣以資得力

十一日辛巳左宗棠奏言自武康德清石門三縣

克復後各賊脅擁衆十餘萬由安吉孝豐上竄

僞堵王黃汶金僞祐王李遠繼僞輔王楊輔青
仍堅踞湖州臣當飭蔣益澧派軍進攻湖州飭
楊昌濬督各營進駐武康飭分水嚴州淳遂各
處守軍相機截剿三月初九初十等日該逆陸
續竄至昌化縣境前股已趨績溪十一日駐防
分水副將劉明珍率所部四營前赴昌化攔擊
兼理昌化縣事署分水縣知縣邵杜亦率鄉團

助剿將其後隊截殺六七百名生擒悍賊百餘
名十二日劉明珍復率各營追至白牛橋搜殺
粵賊二百餘名遣散者四五百名侍逆李侍賢
及各逆繞由昌化十都過老竺嶺悉向安徽績
溪竄去復由閒道走歙西之巖寺篁墩以竄屯
溪其聽逆及偽濂王汪海洋等逆走歙縣之水
南村分路向南源口深渡過河折竄浙境十五

日徑趨小川希圖分犯瀉遂十七日駐防遂安
總兵王開琳令王福昌一營嚴守雪嶺黃蔚嶺
自率親兵並龔隆貴等三營由黃蔚村進下長
勝等三營並水師後營師船由威坪街口沿河
直上行近小川該逆山隊來撲官軍奮擊賊退
踞石橋官軍乘勢急進衝過橋北丁長勝等各
隊繼至師船遙於河中轟擊斃賊六七百名賊

敗走一向深渡一向小川裏山而遁王開琳摩
兵趕殺約追七八里賊復回拒羅瑞山等沿山
圍剿而上賊始大敗爭向山谷狂奔自相踐踏
死者無數其向深渡逃竄一股亦經龔隆貴等
截殺四百餘名落河溺斃者無算餘賊悉敗竄
屯溪是役殺賊二千餘名生擒百餘名踏斃溺
斃者倍之其湖北一路自初八日高連陞進剿

獲勝後羣賊皆退聚菱湖東村山茅菁山一帶
築壘復於西北之長興及四安梅溪安吉等處
連營數十里臣當飭劉連陞水師各營駛赴德
清飭蔣益澧分撥高連陞各軍由德清進規湖
郡西南劉樹元各營由石門進規湖郡東南十
三十四等日劉連陞等各率師船進攻菱湖破
賊一卡蔡元吉復率軍進駐靈山高連陞等率

軍進駐埭溪二十二日湖郡之賊分路來撲高連陞等營壘各軍擊敗斬殺數百名賊潛竄洛舍亦經高連陞等擊退現在浙江一省惟餘湖州一城及長興安吉兩城未卽克復賊數雖多然形勢漸蹙尙可緩圖惟蘇皖餘逆李侍賢等與杭城餘杭漏出首逆陳炳汶汪海洋竄入皖境決意竄擾江西必須節節截剿豫爲戒備臣

於杭餘等城克復後卽飭黃少春等嚴密準備
並催調劉明燈等各營馳赴嚴衢各要隘以厚
兵力乃各軍甫抵嚴州而賊已竄至徽境進竄
屯溪鎮旋又竄至婺源之江灣汪口等處距江
西之德興樂平不遠臣方飭王開琳由馬金街
出大鏞嶺以趨婺源之南戴奉聘等三營由萃
埠出德興之東截之忽接黃少春飛報聽逆汪

逆前股擊敗遁回屯溪後復翻白際嶺折竄遂
安昏口楊村一帶黃少春已帶所部馬步各營
與王開琳一軍出楊村橫擊之魏喻義等急馳
赴馬金街與黃少春所派黃元吉李良平兩營
合隊爲迎頭截擊之兵臣已飭劉清亮一軍速
赴馬金街尙未知能否趕在賊前昨接署浙江
臬司劉典來稟知新募之軍四月初旬始可由

湖南啟行道員王德榜回湘續募兩營已抵廣
信臣擬俟此股竄賊剿除後卽飭王開琳王德
榜戴奉聘各軍赴江西助剿與劉典一軍會合
稍資厚集其黃少春劉清亮兩軍則仍應留防
追遂俟湖州賊蹤稍定乃可他調蓋皖南之廣
德州甯國縣績溪縣一路空虛湖州之賊以長
興安吉爲出路一舉足卽入徽境不由此竄江

西必由瀘遂竄江西未可任其衝突也奏入

上命議政王軍機大臣傳諭曾國藩左宗棠李鴻章
沈葆楨曰皖南賊勢甚重左宗棠所派王開琳等
軍因汪逆折竄浙境遂安一帶回軍迎頭截擊其
續派劉清亮之軍赴馬金街若能趕到賊前速與
諸軍併力截剿將漣逆此股就地殲除則由皖竄
江之賊勢可稍輕卽飭王開琳王德榜等軍速赴

江西會同劉典等軍力勦江境之賊其黃少春劉清亮兩軍應留防遂安等境俟湖賊勦平賊蹤稍定乃可移動惟廣德甯國以至績溪一路空虛不但蘇境餘賊全由此路竄走卽湖州之賊亦可由此竄微以入江境毛有銘等近日軍威是否重整堪資截擊丹陽未克鮑超一軍赴援江西曾否啟行著曾國荃將皖南徽甯各路之防加意布置嚴

督諸軍節節截剿卽未能將竄賊聚殲但能剿滅
一賊卽少貽江境以一賊之患湖州官軍漸次合
圍著左宗棠督飭高連陞等軍迅圖攻克浙省惟
餘此城及安長兩邑未復並著速行掃蕩全清浙
境李鴻章派攻湖郡各軍前奏破賊錢溲著飭會
合浙軍併力攻擣江西南豐一城曾否攻克著沈
葆楨嚴飭席寶田等軍實力進攻所派精捷等營

馳赴德興一帶攔截皖南續竄賊股並飭會合皖
浙諸軍前截後追共收夾擊之效其劉典王文瑞
兩軍催提星速來江以資調遣該撫前奏飭令席
寶田添招二千五百人此項新軍係由何處招募
現在曾否招齊作何布置之處並由江甯閩之賊
有無續往兵力能否支持均著隨時馳奏

同日馮子材魁玉奏言三月二十六七等日總

兵張文德等挑選各營直偏丹陽城下築壘三座以礮隊左右夾護賊伏不出我軍輪流轟擊斃賊極多於是十里牌西門橋南鄉姑村等處逆壘震懾乞降當將賊巢賊卡十數處全行平毀拔出難民數千分別遣散擇其年力精壯者數百名隨營殺賊一面飭前敵各營輪派五成隊伍晝夜環攻該逆憑巢抗拒急切難下自三

月下旬至四月初旬西門各營明攻暗襲頗有
斬擒都司張永山中槍陣亡其北路戰事先經
臣等派千總周明知管帶頭起降衆前赴詹啟
綸營隨剿二十四日東北兩門各出逆匪數千
乘揚營紮壘未定蠡擁來犯詹啟綸揮軍迎擊
周明知轉戰陣亡二十六日揚軍由北門七里
廟進紮僞然王陳逆糾合大股出撲鏖戰約兩

時許張文德派楊青山率馬步隊飛速援應賊
不虞鎮軍驟至兇敵稍卻楊青山先以精銳衝
突後以步隊分抄會合揚軍兜擊逆衆披靡回
竄四月初三日詹啟綸派劉巷降衆於北門前
敵紮營步步進逼先期函約鎮軍策應張文德
派令楊青山等馬步各隊前往護紮辰刻行抵
北門詹啟綸所部正在布置營壘城逆傾巢出

竄糾合東南附城各賊數萬直撲前敵揚軍攻其左鎮軍攻其右往還數十次逆陣稍動陳逆復率四僞王冒死回拒傷亡枕藉猶不肯退我兵三面抄擊殪前鋒逆目數百名賊始潰退楊青山等收隊回營是夜三鼓城賊由西門出撲頭敵各營張文德督同副將汪柱元等奮力擊退斃賊數百名伏思金陵常州丹陽三城未拔

關繫江南全局金陵早成阱獸近接李鴻章來
信常州亦已合圍丹陽城險而堅賊悍且狡逆
首僞然王與常州護逆同宗誓以死守自句容
金壇克復各路潰賊歸併內外約四五萬衆鎮
揚兩營兵數本少僅能扼其西北而東南一路
無兵扼紫臣等惟有督飭張文德等就現有兵
力會合北軍相機攻勦此次陣亡之都司張永

山千總周明知應請

飭部從優議卹奏入

上諭曰張永山等均著交部從優議卹據奏各情已於本月初九日據富明阿奏到當一併諭知馮子材等遵辦著仍遵前旨會同揚防各軍迅速攻擊克復丹城毋稍鬆懈

馮子材魁玉又奏言前准督臣曾國藩咨稱句

容既復金壇丹陽亦旦夕可下應由鎮軍分守
金壇揚軍分守丹陽而令鮑超一軍駐守句容
專剿金陵外竄之賊等因當卽呈覆俟丹陽得
手分兵照辦嗣據鮑超函請抽撥四營換防金
壇臣等查鎮軍攻剿喫緊未便抽動致誤全局
且丹陽未拔各營官兵皆爲牽掣不若先其所
急併力攻取丹城一經克復遵照督臣指派分

別換守金壇等處鮑超一軍卽可專顧上游於
目前軍務較有裨益奏入

上諭曰續據曾國藩奏已調鮑超一軍馳援江西其
應如何協守金壇之處仍與曾國藩速籌辦理

馮子材魁玉又奏言丹陽賊勢自三月中旬後
羣兇麇集負嵎固守臣等先後派出馬步六七
千名兵力甚單其餘存營兵勇不過四千餘名

尚須留守城池分防要隘萬難續撥不得已於
各起降衆內擇其勇敢善戰者酌量收錄分別
派員管帶隨營殺賊先後共收用二千二百餘
名此項降衆口糧應如何籌給之處臣等體察
情形隨時函商糧臺酌量辦理一俟丹陽克復
立卽給資遣散奏入報

聞

十四日

甲申

富明阿奏言我軍自擊退援賊踏平

逆壘後旋據詹啟綸稟稱孟河奔牛等處賊黨

陸續前赴揚鎮兩營投誠我軍後路旣已肅清

卽移全軍緊逼丹陽城下會合鎮軍輪流環擊

並先期派定各營擇要設伏以防竄逸四月初

三日賊果傾巢山撲我軍開礮轟擊悍賊猶縐

擁而前我軍扼定橋口奮呼迎殺都司許惠等

首先搶入賊隊各軍賈勇齊進馬隊左右包抄賊勢稍卻旋又糾集後隊死力突竄都司許惠驟馬衝壓斬斃黃衣賊目二名中礮陣亡披甲雙成亦受傷殞命副將田興富等俱受重傷猶復裹創力戰自辰至申鏖戰數時之久我軍銳氣倍增爭先齊進陣斬僞法天安鼎天安賊首二名擊斃逆匪五百餘名其餘被創者不可勝

計賊始遁入城中我軍甫經收隊賊復於夜間
撲營亦經擊退雖連朝陰雨賊無日不并死攻
營我軍亦無日不極力痛剿斬獲甚衆連日投
誠者復有數千初八日酉刻詹啟綸派令壽昌
等率領馬隊四路設伏派刁經明等分路進攻
詹啟綸卽一面函約鎮軍同時大舉一面親督
廖鴻清等揮軍前進槍至東北門外該逆瞭見

卽憑牆死守礮石如雨我軍亦開礮轟燬更樓
望臺該逆勢甚惶懼各營將士乘其驚亂之際
填濠猛進冲煙突火豎立雲梯一擁齊上砍倒
守垛賊衆焚燒城中房屋賊卽大潰奪門四竄
適鎮軍亦由西南斬關而入合力搜剿當於初
八日亥刻將丹陽縣城克復一面派兵分守安
撫一面抽調馬步各軍跟蹤追剿是役共斃悍

賊千餘名生擒七百餘名救出男婦老弱難民
三四千人據擒賊供稱僞英王叔受傷已於前
夜易裝潛赴常州求救至今未歸並據副將劉
成元稟報常州亦於初六日攻克臣查丹陽爲
金陵常州咽喉要地賊衆負隅日久仰賴

皇上指示機宜攻拔堅城現在常州旣經克復金陵
已成孤注東南肅清指日可待臣仍當督飭將

士搜捕餘氛並派總兵蔣臨照等渡江趕將降
衆及早分別遣散俾不致逗留滋事以靖地方
在事尤爲出力之侍衛訥依楞阿等謹先行開
列請獎其餘在事出力文武員弁兵勇可否由
臣查明擇尤保奏之處出自

鴻慈此次陣亡儘先都司許惠披甲雙成請

旨交部照陣亡例議卹

同日馮子材魁玉奏言鎮揚官軍圍攻丹陽四月初八日酉刻張文德派副將楊青山等分路梯攻西南兩門另派軍功蔣湧源等管帶各起降勇隨同進剿副將林從太等統帶各營馬隊截殺潰匪鄉團練勇豫備包抄布置既定張文德直抵城下令諸軍賈勇先登該逆憑巢抗拒官軍前隊受傷數十人楊青山等奮不顧身指

麾將士從礮火中填濠而進將城上更樓哨臺
轟燬數處守堞之賊殲殪無數官軍斬關直入
時詹啟綸所部亦由東北兩門合力圍攻逆勢
大潰揚鎮兩軍四面截殺斃賊近萬生擒一千
二百餘名卽於是日亥刻克復丹陽縣城其西
南各門附近賊巢數十處一律焚燬殲斃甚多
在事鎮將躬冒矢石著有微勞合無仰懇

天恩先行獎勵其餘出力文武官弁兵勇客臣等擇
尤保奏

同日李鴻章奏言官軍合圍常州自三月二十

二日轟塌城垣臣與諸將日夜派隊嚴守缺口

適連旬陰雨該逆每黑夜冒雨偷築塌處弁勇
時以槍箭防護殪賊甚多四月初三日各項炸
彈配齊臣添調劉士奇王永勝所部全隊赴常

州令戈登礮隊仍攻南門劉士奇等礮隊移攻東南角又於城濠外豫築長牆百數十丈使兵勇有所護身礮位可以移近部署既定臣與李鶴章輪替查勘飭郭松林劉士奇等各於長牆下開一深溝暗通城河可容二三千人夜間密派弁勇由溝內出搭浮橋屢被城頭守賊知覺自初更至天明槍礮徹耳互有傷亡如是三四

夜而浮橋已成六道初五日雨稍止臣卽令戈
登王永勝劉銘傳等開礮轟擊至初六日午刻
戈登仍將南門舊缺口轟塌數十丈劉銘傳仍
將北門舊缺口轟塌十餘丈劉士奇王永勝督
同管帶礮隊都司劉玉龍將東南角亦轟塌十
餘丈黃翼升督派各營水師分門對轟城賊死
力堵拒隨塌隨填經我軍礮斃槍斃甚夥無處

立足臣見機有可乘未刻傳令各軍大隊同時
由缺口齊上郭松林等分路突衝而上受傷多
人其南門缺口後隊稍卻郭松林橫刀亂砍一
擁直前劉士奇王永勝催隊愈急頃刻閒我軍
旗幟布滿城頭戈登督常勝軍槍隊繼進忽護
逆率兩廣悍逆數千拌死由水北門來撲王永
勝劉士奇由東門循城迎擊張樹聲乘勢督三

營搶上東城會合兇勦賊漸不支而北門守賊
仍與劉銘傳所部拚死拒鬪劉銘傳率所部猛
力撲進遂將護逆一大股擊入街心王永勝劉
士奇劉銘傳張樹聲節節追勦賊亦節節回撲
沿衢塞巷屍血狼藉追至偽護王府該逆仍率
死黨紮立石卡以槍礮對擊我軍圍之數重副
將龔生陽衝入賊隊生擒偽護王陳坤書遊擊

宋雲龍生擒僞佐王黃和錦賊衆奔潰殲戮靡遺郭松林劉士奇等見城內人衆不可勝誅傳令伏地棄械者免死於是男女老幼跪降者六七萬有餘郭松林戈登等由南門沿城追剿僞列王費天將帶賊七八千人由小南門竄擁撲來又戰十數合忽前忽卻周壽昌等大呼陷陣周盛波王東華等由缺口進合力兜擊該逆前

後受敵猶亡命猛衝其纒落城下數百人經周
盛傳等截斃淨盡大股繞城亂走亦經各軍追
殺內有廣東悍逆數百埋伏僻巷持矛格鬪盡
數斬之周盛波所部生擒費天將綑送正法自
未刻登城巷戰直至酉末始將賊衆全股擒殺
無得脫者遂克復常州府城當將僞護王陳坤
書凌遲處死梟示常州東門外以洩衆忿查常

州爲護逆分地脅從最多荼毒最甚臣沿途察看百數十里內村市平毀農田全荒白骨荆榛絕無居人卽從此招徠撫恤一二年內農商斷難復業臣惟有亟爲休養冀慰

宸廑此次攻克常州除臣弟李鶴章無功可錄不敢仰邀

獎敘外所有尤爲出力之統將提督劉銘傳屢卻大

敵福山鎮總兵郭松林提督王永勝劉士奇均
首先登城不避矢石可否請

旨酌加優獎准揚鎮總兵黃翼升勞苦功多可否請
旨交部從優議敘其勞績尤著之將佐文武先行開
列請獎以昭激勸其餘應獎應卹員弁兵勇容
俟查明專案奏辦

李鴻章又奏言常州旣復丹陽已成孤注臣派

令劉銘傳郭松林等督帶二十餘營由奔牛北
趨相機夾攻以期速克昨准曾國藩咨稱聽侍
各逆上竄江西欲調鮑超全軍援江商令臣酌
派勁旅接防東壩查該處爲金陵丹陽上竄廣
德要路臣若以孤軍進東壩一經竄逆中梗蘇
州消息難通現今劉銘傳郭松林等進攻丹陽
張樹聲六營守常州劉士奇王永勝兩軍困苦

戰疲勞且湖州未克蘇省空虛須令屯紮休養
專備各路游擊援應局勢方穩目前暫無大枝
勁旅可以遠赴東壩擬令提督周盛波黃中元
八營由溧陽進紮南渡以備截勦金丹等處竄
賊與溧陽東壩較易聯絡俟丹陽克復北路防
鬆卽派各軍進紮東壩二溧一帶以便替出鮑
軍援勦江西臣俟常州防務布置粗定交李鶴

章就近妥商調度仍卽回省籌辦一切均奏入
上命議政王軍機大臣傳諭曾國藩富明阿李鴻章
馮子材魁玉曰賊首陳坤書聚黨負隅與金陵賊
窟爲犄角李鴻章督率各軍苦戰奮攻於月之初
六日克復郡城竟將賊首生擒就戮賊之全股殄
滅無一漏網江南大局得以漸定所辦至爲周妥
現在丹陽亦已克復雖據馮子材等奏稱斬擒不

少悉竄出之賊尙多且未將賊竄何路明晰聲敘
丹陽城中悍賊甚衆若任其奔突又將貽患他處
現在賊股竄往皖南江西等處者其勢已重尤當
防其陸續竄往合併著李鴻章卽飭劉銘傳等軍
迎探賊蹤攔頭截擊並著富明阿馮子材等嚴飭
揚鎮各軍奮力追剿丹陽竄賊與劉銘傳等軍前
後夾擊務將餘股全數殲除毋得以克復丹陽遂

置竄賊於不顧曾國藩調鮑超一軍赴援江西而令李鴻章酌撥勁旅接防東壩東壩爲賊竄要道該撫以丹陽未克先令提督周盛波等八營由溧陽進紮南渡與東壩聯絡截剿此時丹陽已克北路防鬆是否卽可調派各軍進紮東壩二溧一帶以便騰出鮑超一軍及早援江抑將丹陽出竄之賊剿滅淨盡再行調派著曾國藩李鴻章會商妥

籌相機辦理富明阿摺內所奏僞英王叔身受重傷先期逃往常州等語未知是否確實仍著富明阿馮子材查明首逆如尙在逃務須擒戮毋任漏網降衆人等尤須設法妥爲安插遣散以絕後患勿稍大意

上諭內閣曰鎮江揚州官軍會攻丹陽經詹啟綸張文德等督隊進攻斬關直入當將丹陽縣城克復

其西南各門附近賊巢一律焚燬剿辦甚爲出力
仍著富明阿馮子材督飭各軍迅將潰賊悉數殲
除毋任漏網富明阿所保之提督詹啟綸著加恩
賞給白玉四喜搬指一箇火鐮一把大荷包一對
小荷包兩箇以示優獎侍衛訥依楞阿著賞給瑚
松額巴圖魯名號遊擊鄭啟貴著賞給著勇巴圖
魯名號都司李福興著賞給效勇巴圖魯名號遊

擊葉廣全著賞給力勇巴圖魯名號委營總富陞
德明均著交軍機處記名遇有副都統缺出請旨
簡放副將刁經明著交軍機處記名遇有提督缺
出請旨簡放遊擊胡世英著以副將儘先補用並
賞加總兵銜馮子材等所保之總兵張文德著交
軍機處記名遇有提督缺出請旨簡放楊青山著
賞給適勇巴圖魯名號參將霍名陞著賞給勃勇

巴圖魯名號李耀光著賞給確勇巴圖魯名號以
示鼓勵其揚鎮兩軍出力文武員弁著富明阿馮
子材等會同擇優保奏揚州官軍力戰陣亡之儘
先都司許惠著交部照都司陣亡例議卹披甲雙
成著照陣亡例議卹以慰忠魂

上又諭內閣曰江蘇常州踞逆陳坤書等擁衆死守
經李鴻章親督各軍合力夾擊將逆黨全股擒殺

無得脫者當將常州府城克復勦辦甚屬得手此
次李鴻章親督各軍痛殲巨股克拔堅城實屬謀
勇兼全深堪嘉尙著加恩賞給騎都尉世職道員
李鶴章提督劉銘傳郭松林王永勝劉士奇俱能
親冒矢石奮勇爭先均著賞穿黃馬褂以旌勞勩
提督黃翼升著交部從優議敘權授江蘇省總兵
戈登帶隊助勦疊著戰功此次協同攻克常州尤

爲出力著賞加提督銜並著照李鴻章所請頒給
旗幟功牌以示優異仍俟將所部常勝軍部署妥
協再由李鴻章奏請嘉獎尤爲出力之遇缺提奏
提督王東華等均著交部從優議敘內陳東友周
盛波黃中元滕嗣武李恆嵩並著交軍機處存記
遇有總兵缺出先行提奏總兵楊鼎勳著以提督
記名遇缺提奏提督張樹珊等均著賞給正一品

封典總兵陳忠德易用剛鄭國魁均著交軍機處
存記遇有總兵缺出先行提奏並賞給從一品封
典唐殿魁著以提督記名簡放董鳳高周盛傳童
邦喜者貴均著交軍機處存記遇有總兵缺出先
行提奏並賞加提督銜周壽昌文茂林均著交軍
機處存記遇有總兵缺出先行提奏並賞給二品
封典張桂芳等均著賞給從一品封典況文榜等

均著以總兵記名簡放內周蘭亭顏邦桂宋德鴻
並賞給二品封典徐得勝並賞給質勇巴圖魯名
號畢乃爾並賞給法什尙阿巴圖魯名號副將謝
連升參將王平西均著免補副將以總兵記名簡
放副將朱聯陞著賞給剛勇巴圖魯名號韓殿甲
著賞給固勇巴圖魯名號以上二員並賞加總兵
銜參將王萬釗著以副將歸於四川儘先補用並

賞加總兵銜劉朝幹等均著免補參將以副將儘
先補用劉朝幹並賞給猛勇巴圖魯名號覃洪陞
並賞給誠勇巴圖魯名號羅榮光並賞給果勇巴
圖魯名號曾明魁並賞給衝勇巴圖魯名號李長
樂並賞給尙勇巴圖魯名號舒義志並賞給才勇
巴圖魯名號鄧明遠並賞給銳勇巴圖魯名號副
將彭連陞著賞給赫勇巴圖魯名號參將駱金榮

著賞給強勇巴圖魯名號遊擊鄭國榜參將陶位
中均著以副將儘先補用鄭國榜並賞給精勇巴
圖魯名號陶位中並賞給衛勇巴圖魯名號道員
符信等均著賞給二品封典參將黃桂蘭等均著
以副將儘先推補黃桂蘭並賞加總兵銜遊擊張
正全等均著以參將儘先推補並賞加副將銜鄭
龍彪著賞給健勇巴圖魯名號參將朱寶元著賞

給利勇巴圖魯名號遊擊宋雲龍著賞給展勇巴
圖魯名號都司楊玉書等均著以遊擊留於江蘇
儘先補用內劉玉龍並賞給直勇巴圖魯名號擬
保守備廖德旺等均著以都司補用並賞戴藍翎
外委王桂林等均著免補千總把總以守備儘先
補用知府劉盛藻等均著以道員用直隸州知州
丁日昌著免補本班以知府儘先補用通判包國

挺著免選本班以同知直隸州知州儘先選用知
縣史書青著免補本班以直隸州知州仍留江西
補用並賞換花翎主簿刁祖蔭著以知縣選用已
革道員馮席珍著開復原官候補同知直隸州知
州韓杰著賞給四品封典其餘出力陣亡員弁兵
勇著李鴻章查明奏請獎勵

上又諭內閣曰江蘇常州府城於咸豐十年四月間

被匪圍攻時紳民嬰城固守迫失陷後士女殉難者數萬人被害極爲慘苦現在李鴻章奏報克復據稱該郡村市平毀農田全荒白骨荆榛絕無居人一二年内農商斷難復業等語披覽情形實堪矜憫允宜特沛恩施以蘇民困所有常州府武進陽湖二縣加恩著自同治三年起至五年止豁免三年錢漕用副軫恤遺黎至意

欽定剿平粵匪方略卷三百七十二 甲子年

四月十六日

丙戌

僧格林沁奏言

臣於三月十九

日督帶馬隊由嵩縣越山取道向南進發二十
五日馳抵南陽縣屬之馬山口據副都統色爾
固善等面稟二十四日突有後股長髮逆首梁
姓率衆來撲我軍迎頭截擊殪賊二百餘名該
逆敗逃追殺二十餘里復斃賊二三百名二十

六日臣統領馬步各隊進山追剿行至夾道溝
地方該逆膽敢列隊抗拒當卽揮令副都統恆
齡等各帶馬隊越山衝壓翼長舒通額等馬隊
從旁接應該逆敗走我軍追殺數百里斃賊四
五百名生擒數百名救出難民三四百名賊匪
翻山向西南板橋川一帶狂奔馬隊未能窮追
訊據賊供此股髮賊不過七八千人現向西南

逃遁欲與前路逆首陳得才合股等語是此股
髮逆人數無多且經兩次擊敗自不難於掃滅
當飭色爾固善張曜等帶領所部兵勇躡蹤追
剿無論此股竄至何處無分畛域實力追擊其
前竄髮逆數股及張總愚股匪悉向新野鄧州
一帶逃奔三月十五至二十五等日蘇克金春
壽連日在鄧州雙橋新野縣安春寨一帶與各

股賊匪接仗屢獲勝捷現仍跟蹤追剿先經臣
飭撥都司桂錫楨等馬隊趕赴前敵隨同蘇克
金勦辦以厚兵力臣督帶各起馬隊兼程跟追
於四月初二日至棗陽屬之唐縣鎮距賊二十
餘里紮營與總兵楊朝林面晤該鎮帶有楚省
步隊兵勇四千名在彼駐紮並將棗陽所駐步
隊五百名隨州所駐步隊五百名一併令該鎮

統帶隨同前進 臣於初四日冒雨跟追探得張
總愚股匪在州城南關一帶潛伏當卽派隊迎
擊擒斬甚多現飛調蕭河清孟宗福等酌帶四
千人迅卽來楚交官文飭令與楊朝林之軍合
力追擊迅掃逆氛查各股賊匪現竄德安一帶
距省城不遠有官文督飭水路各軍足敷剿辦
儻向江南一帶奔竄有曾國藩各軍截擊諒可

無虞臣所帶步隊無多且礮位又難轉運馬隊因地勢不能得力難以深入一俟蕭河清等步隊到楚卽將馬隊撤至豫境以防北路再據色爾固善張曜等稟報三月二十七日緊臨後股髮逆於泉山地方追及擊斃二百餘名生擒賊目林禧桂等七名長髮賊百餘名其逃至北山頂一股三百餘名悉數誅戮餘匪翻山敗遁二

十八日復於老鸛河遇另股髮逆經色爾固善
張曜等渡河衝殺該逆大敗我軍乘勝追殺二
三百名生擒賊目數十名該逆現分兩股敗竄
我軍惟有由北向南沿山搜剿以期淨絕根株
至蘇克金等於四月初一日由唐縣向東北一
路跟追竄匪未悉何股俟續接稟報再行馳奏
同日官文奏冒髮逆由河南浙川內鄧勾結擒

逆號稱數十萬分股關入楚疆現在襄樊以下
處處喫緊棗隨鍾京疊次撲城雖經我兵擊退
猶在各處裏脅擄掠隨州德安均與豫境毗連
下游麻羅蘄黃又可直達皖北而孝感小河司
一帶尤爲武漢門戶該逆又分股竄至安陸府
城並在襄河沙洋對岸白口多寶灣等處滋擾
希圖擄船爭渡雖屢經礮船擊敗而湖北祇此

兵力髮捻股數愈分愈多我軍派撥愈分愈少
防剿益形不足相應請

旨飭下多隆阿速飭姜玉順等將派令赴楚之兵勇
四千名再由多隆阿添派馬隊五百名星夜兼
程來鄂會合楚軍實力堵剿儻賊由陸路東趨
並可爲皖北一路追剿援應之師一舉兩有裨
益

官文又奏言髮捻合股闖入棗陽意在撲城並
撲總兵楊朝林營壘楊朝林先已準備三月二
十日派隊直逼賊巢該匪猝不及防譁然驚潰
殺悍賊數十名燒燬賊館十餘處偵知該逆將
攻土橋鋪寨楊朝林密飭都司鄧榮升等各帶
本營繞出賊前三面夾攻殺賊數百名賊向梁
家集一帶竄去二十二三四等日該逆分股下

竄隨州擾及京山所屬之京河鍾祥所屬之板
凳岡一帶後股髮逆糾合捻逆由蒼苔過河復
竄棗屬之楊家壩楊朝林督兵迎擊於隆興寺
殺騎賊數十名大股由齊方岡包抄而來楊朝
林以大礮轟之擊斃馬步悍賊數百名賊向南
敗竄二十五六等日該逆由鍾祥縣屬洋梓地
方擾至附城紅廟一帶總兵梁洪勝帶隊接仗

殺賊數百名二十七日賊約六七萬分爲三股
一撲城東一撲城西南以精悍大股包抄我軍
營壘又於山岡下伏萬餘人步步來撲我軍槍
礮轟擊傷斃不少又有黃衣賊萬餘爲左右兩
支直逼濠邊梁洪勝飭各營護濠而立派隊暗
山營外奮力前攻自率親兵從後繼進聯絡接
應各軍同時齊上轟斃黃衣賊目八名步賊棄

械奔逃其時撲城之賊經副將黃勝日會同安
陸府知府同勳等登陴固守連開大礮轟斃馬
賊十餘名賊始退卻梁洪勝復令各營將大礮
一齊開放該逆傷斃無數歸併一股合力死鬪
我軍勇氣百倍鏖戰三時之久殺斃轟斃千餘
名生擒僞丞相僞指揮五名解散裏脅難民二
三千人全股向火龍山敗遁我軍追十餘里至

石家店收隊梁洪勝恐後股之賊繼至回郡防
守該匪竄距安陸九十餘里之舊口鎮總兵張
啟基率領礮船順流而下轟斃逆匪多名賊蹤
稍卻我軍各持刀矛登岸又斃賊數百名四月
初一日該逆復至河岸搶渡官軍三路齊進槍
礮環攻該逆向林家集一帶遁去是日四鼓該
逆於馬梁內湖搜擄小划船數十隻黑夜偷渡

張啟基豫爲設伏以礮船連環擊之該逆紛紛
落水岸上之賊奪路狂奔當將划船燒盡該匪
現已擾及應城愈趨愈下武漢戒嚴臣現飭石
清吉由小河司移紮楊店上顧德安下顧武漢
成大吉馬步十二營移紮滸口並分撥二三營
紮滸口新溝以顧省城門戶飭楊朝林俟後路
稍定卽由鍾祥水路下駛會合提督江長貴自

新溝湏口縣河口一帶節節進攻又將舒保馬
隊分布於孝感之楊店等處先顧省垣兼扼趨
皖之路其孝感黃陂水路已飭左光培分撥礮
船扼要嚴防飛調唐瑞廷礮船由襄趕赴湏口
又添派守備黎澤唐礮船入天門阜市一帶湖
河截剿並於各河口要隘札飭紳士團勇晝夜
梭巡押令襄河停泊竹簾盡行放出江口使賊

無從竄越自三月下旬連日大雨江湖陡漲該
逆奔突於泥淖之中我軍礮船更覺便於施展
臣現在沂流而上先督水師保守襄河水面俟
安陸京山天門應城逆氛掃蕩卽由陸路前往
雲孝德安一帶相機督剿均奏八

上命議政王軍機大臣傳諭僧格林沁官文曾國藩
多隆阿穆圖善喬松年嚴樹森張之萬劉蓉曰髮

逆梁姓殷匪七八千人及捻匪張總愚等股疊經
僧格林沁指揮馬步各軍痛剿斃賊甚多餘匪越
嶺逃遁僧格林沁以棗隨一帶地勢狹窄馬隊難
以施展請調蕭河清孟宗福等所帶四千人迅速
赴楚著多隆阿穆圖善劉蓉迅飭蕭河清等馳赴
楚省交官文調遣官文俟此項步隊到後飭令與
楊朝林之軍追擊各股逆匪以資得力儘該匪被

勦回竄一至平關地方該親王當扼要豫爲布置
迎頭截擊爲一鼓聚殲之計金陵已成孤注旦夕
可克該逆如向英霍一帶奔竄曾國藩喬松年自
當嚴密防勦誠恐皖南軍事方殷皖北兵力不厚
急切難以分撥僧格林沁仍當妥籌截勦並催調
陳國瑞一軍駐紮臨淮一帶以備緩急之用總不
可令該匪東趨得遂其回救金陵之計張曜此次

追斬各逆亦頗奮勇張之萬務當飭令該總兵實力搜捕不得恃有僧格林沁大兵稍耽安逸豫省無賊地方當嚴飭文武各員督同紳團協力守禦毋令敗匪再行闖入隨聚鍾京賊氛徧地武漢戒嚴官文現飭石清吉移紮楊店上顧德安下顧武漢成大吉馬步十二營移紮澠口分紮澠口楊朝林俟後路稍定由鍾祥水路下駛會合江長貴節

節進攻又將舒保馬隊分布於孝感之楊店等處
先顧省垣兼扼東趨皖省之路孝感黃陂水路各
分撥礮船扼防著卽督飭派出各軍認真勦辦並
卽督帶親兵泝流而上先保襄河水而俟安陸京
天等處掃蕩卽由陸路往雲孝德安一路督勦省
城防守事宜著嚴樹森妥籌辦理毋稍大意所調
之姜玉順等楚勇四千名著多隆阿穆圖善等迅

即催令起程前撥常星阿等馬隊迅催前赴僧格
林沁軍營到營後應如何分撥湖北交官文訓遣
卽由僧格林沁妥籌辦理

十七日

丁亥

馮子材魁玉奏言四月初八日鎮軍

克復丹陽縣城業將大略先行馳報續據總兵
張文德稟稱是日督同副將楊青山等攻破西
門斬關而入逆首僞然王陳時泳卽僞英王叔

僞來王賴桂芳冒死巷戰歸正頭目黃先知杜
玉成等爭先響應會合官軍奮力鏖戰陳時泳
被創倒地立梟其首杜玉成等亦將賴桂芳擒
縛並陣斬僞廣王李愷瞬僞烈王金友瞬僞梁
王凌郭鈞僞鄒王周林保等大小頭目百餘名
餘衆乞降查賴逆係逆賊洪秀泉妻弟久著兇
頑罪大惡極立即凌遲處死與陳酋首級一併

竿示其東南一帶敗匪冒雨潰竄經副將林從
太等追剿自丹陽延陵以至金壇境內之西洋
句壇交界境內之大茅山一帶沿途斬馘實有
六七千名淹溺無算臣馮子材初九日親往丹
陽慰勞將士安撫降人查點難民分起資遣其
一時未能回籍者權宜安插設法遣散城內防
守事宜揚軍屯紮東北鎮軍屯紮西南擬俟部

署略定查照督臣曾國藩前咨由富明阿派兵
專駐一面撥隊移防金壇此時常鎮各屬一律
肅清金陵益成孤注東南指顧可平臣等尤不
敢不慎之又慎現督飭將士搜捕殘孽扼要防
守未敢稍形鬆勁此次勇目黃先知杜玉成等
去逆效順擒斬逆首尤爲出力合無懇

恩賞給三品頂戴花翎以示破格獎勵奏入

上命議政王軍機大臣傳諭富明阿李鴻章馮子材
魁玉曰丹城旣克首逆亦除金陵自成孤立之勢
不難合力攻克惟竄匪必須搜捕淨盡殘黎必須
加意安輯該提督等卽飭在事文武妥爲籌辦務
當慎之又慎以靖地方馮子材現擬撥隊移防金
壇以揚軍事守丹陽惟江北空虛楚豫賊匪仍思
東竄皖境以救金陵前據李鴻章奏俟丹陽克復

後卽可派撥所部進紮東壩二溧一帶現在常州
丹陽均已克復李鴻章所部兵力有餘前所派由
溧陽進紮南渡之周盛波等軍及助攻丹陽之劉
銘傳郭松林等軍除派赴金陵皖南等處助剿外
其餘卽著酌量調赴東壩二溧駐紮以固江蘇門
戶鮑超一軍卽可騰出趕赴江西丹陽一城卽著
馮子材魁玉派兵就近駐守其富明阿所統江北

之軍卽可調回揚防以備截剿楚豫東竄之賊以
上布置情形卽著富明阿李鴻章馮子材魁玉通
籌大局妥爲辦理一面迅速奏聞

上諭內閣曰據馮子材等將丹陽克復詳細情形入
奏鎮江官軍圍攻丹陽立將陳逆殲斃陣斬廣逆
烈逆梁逆鄒逆等頭目生擒洪逆妻弟來逆賴桂
芳正法追殺敗匪六七千名常州鎮江一帶一律

肅清勦辦甚爲得手馮子材駐守鎮江數載以來
屢禦悍賊此次復派撥兵勇克復丹陽縣城調度
有方深堪嘉尙著加恩賞穿黃馬褂魁玉幫同馮
子材辦理軍務亦甚得力著加恩賞給巴圖隆阿
巴圖魯名號富明阿自親督兵勇馳援蒙城軍威
丕振立解重圍曾著勞績嗣令統帶所部回駐揚
防復能派兵援應鎮江會克丹陽實屬不分畛域

著加恩賞穿黃馬褂以示優獎其擒斬逆首尤爲出力之勇目黃先知杜玉成均著賞給三品頂戴花翎

十八日

戊子

李鴻章奏言常州攻克後擬派劉銘

傳郭松林等馳往丹陽會剿臣於四月初七日先派副將黃金志帶馬隊百餘名由奔牛呂城前進探聞丹城僞英王叔等因常州已克全股

被鐵驚懼殊甚劉銘傳郭松林冒雨帶隊進行
甫抵奔牛據探騎回報初八夜丹賊內亂僞英
王叔陳時泳被殺餘衆開南門逃竄鎮揚官軍
入城收復等語是蘇境北路已清自應查照會
國藩咨商派兵接守句容東壩以便鮑超迅速
赴援江西當飭劉銘傳所部十二營赴句容接
防鄭國魁所部水陸五營赴東壩接防以固蘇

省門戶而扼金陵竄路金陵外援久絕叔葉全
芟賊勢益窮不日當可得手臣已將營州隊分
布置就緒拜摺後起程回蘇奏入

上諭曰昨有旨諭令該撫將周盛波劉銘傳等軍除
派赴金陵皖南助剿外酌量調赴東壩二漂駐紮
以固江蘇門戶騰出鮑超一軍迅赴江西茲覽該
撫所奏飭劉銘傳接防句容鄭國魁接防東壩各

情與前論適相屬合卽著飭該兩軍認真嚴防以扼金陵竊賊外竄之路毋稍疏虞

十九日

己丑

會國藩奏冒僞聽王陳炳汶僞侍王

李侍賢各會由浙境先後犯徽業經附陳大概情形查杭州餘杭旣克賊首陳炳汶汪海洋等分道出竄畢萃於徽郡之東南毛有銘率所部八營自休甯至郡商之唐義訓出城迎勦三月

十三日唐義訓出郡南毛有銘出郡東乃東軍
隊伍未整猝然賊至前軍旣挫後軍旋亂毛有
銘遂率衆退入郡城唐義訓在南路之方村迎
戰聞東軍失利亦卽撤隊回城而賊已由吳山
鋪分擾桂林又繞出藍田等處自東而北直撲
城垣郡中大震唐義訓毛有銘督軍出城擊退
並徧搜碣田槐塘棠越唐模各村落斬馘頗衆

賊乃由巖市入屯溪圍撲該處營壘防守屯溪
之羊寅洪良輝竭力堅守一晝夜適毛有銘於
夜半向屯溪疾進又有汉口三營前來助戰該
逆不暇尊食棄釜撤圍多向龍灣上溪口竄去
毛有銘卽築營駐師屯溪十六日唐義訓率隊
至齊武遇賊薄有檢斬俄聞侍逆分股繞竄巖
市以西而親督死黨出深渡過河唐義訓乃令

卷一百一十五

一

王品高等留駐朱村而自帶親兵及葛清泰一
營駐紮篁墩謀與毛有銘會師禦賊十七日朱
村各營侵曉出隊行次楊村詎深渡之賊已大
至我軍初尙得手追裹入重圍傷亡甚多時毛
有銘適在屯溪上游途次聞警卽飭各營分三
路飛援毛有銘自外攻入唐義訓自內衝出賊
始披靡我軍追過十里山坳中忽遇賊伏遂爲

所乘將士損折棄械爭渡幾不能軍毛有銘唐
義訓回郡賊已連宵西上直偪休甯自是歛休
境內無地非賊亦無路不梗布長圍以二我郡
城而郡東之接踵而來者仍復絡繹於道十八
十九兩日唐義訓擊退薄城之賊並獲小捷休
甯守將劉長春等亦於十九二十等日截賊於
溪邊村等處賊知兩城守禦尙固乃由龍灣浙

嶺分竄婺源境內以達江西之德興延及玉山
勢甚猖獗此次毛有銘唐義訓堵剿不力咎無
可辭相應請

旨將署皖南鎮總兵唐義訓革職仍留署任道員毛
有銘革去勇號拔去花翎以知府降補仍留營
差委以觀後效臣調度無方並請

旨將臣交部嚴加議處

曾國藩又奏言近日金陵一軍在朝陽神策金川等門外開挖地道十數處賊於附城一帶築月圍以拒之三月二十三二十五六等日攻破月圍焚其火藥礮斃極衆當此之時除卻嚴圍猛攻力禁接濟更無他法賊之由婺源境內闖入江西者一聚德興一撲玉山又將延覆腹地臣前調超鮑率師西援縱使李鴻章派兵替守

句容東壩鮑超軍亦難速到實恐緩不濟急因
派周寬世駐省七營金國琛馬步九營先從饒
州一路進援江西未知果否有裨鮑超於尙未
援江之際囑令會同鎮揚兩軍力攻上游髮捻
巨股已竄過隨州棗陽將及黃德二郡意在假
道鄂皖東援金陵前奉

諭旨飭於彭玉麟楊岳斌二人中派一人統率鄂軍

現接官文來咨鄂省江面防剿有李濟清萬化
林等師船足數分布請於彭玉麟楊岳斌二人
中商一人布置九江以下臣卽商請彭玉麟率
師上駛已於四月初九日過安慶初十日由安
慶馳赴九江防剿北岸鄂皖江面兼顧南岸鄱
湖都昌一帶自徽軍失利後臣慮婺源樂平饒
州景鎮或致淪陷不意均得保全且聞竄江之

賊因糧食不繼號令不一紛紛逃散仰託

聖主威福此股或不足深慮惟皖北陸路僅潁州六安廬郡巢縣等處置有防兵其餘潛太英霍桐舒等縣皆係當年髮捻往來熟徑防守無兵空虛可慮臣惟有力疾調度勉措危局

曾國藩又奏言查鮑超一軍旣取句容遂平寶堰五壘卽乘勝直偪金壇城下並豫飭周有勝

曹志忠等四營伏於茅山之左而以黃海清等
騎隊佐之令唐仁廉李文益等四營伏於茅山
之右而以婁雲慶等騎隊佐之金壇逆酋率賊
二萬出撲我軍佯退俟賊追過茅山正向田隴
村落閒遽迤而進鮑超揮令張玉田等突出中
路槍礮齊發賊亦以洋槍小隊繼擁來迎張遇
春衝入賊隊賊衆披靡鮑超催動號鼓伏兵四

起截斷歸路該逆蒼黃失措棄械滿道各軍追殺五十餘里偪至金壇西門敗賊不敢進城而城賊亦啟南門向三仙關遁走卽於二十日收復縣城此次遊擊張遇春奮不顧身疾馳入陣實屬勇敢相應懇

恩以副將儘先補用其餘出力員弁兵勇容卽彙入東壩句容各案查明請獎至參將鮑昌齡都司

宋連陞王正禮力戰陣亡並請

飭部從優議卹奏入

上命議政王軍機大臣傳諭僧格林沁官文曾國藩
富明阿左宗棠吳棠李鴻章喬松年沈葆楨嚴樹
森曰浙省賊股上犯徽郡總兵唐義訓堵剿不力
道員毛有銘軍無紀律竟至大挫咎無可辭唐義
訓著革職仍留署任毛有銘著革去勇號拔去花

師以知府降補仍留營差委曾國藩自請嚴議之處著加恩寬免至此股賊勢衆多由湖郡竄徽陸續不絕毛有銘等軍旣經挫折歛休境內無地非賊該處軍情正當喫緊皖南兵力尙單前諭左宗棠籌撥蔣益澧各軍馳援徽境著卽酌量情形多撥勁旅前往與該處防軍聯絡夾攻務將該逆速行剿洗並飭令黃少春劉清亮兩軍嚴扼遂安要

陸以防湖賊續竄徽境飭令王開琳等截賊婺源
德興之交毋令南竄嚴州西竄饒郡會國藩慮鮑
超馳援江西不能速到現派周寬世金國琛等營
先援饒州一路著飭迅速前往力籌堵剿並著沈
葆楨飭令在防將士與周寬世等軍嚴密布置互
相援應此時竄江之賊糧食不繼號令不一紛紛
逃散劉典王文瑞各軍陸續到後聲勢更壯諒已

足敷勦辦髮捻竄近隨張黃德會國藩已派彭玉麟統率師船上赴九江防勦北岸鄂皖江面兼顧南岸鄱湖都昌一帶江路當可無虞惟皖北陸路僅賴六廬巢等處置有防兵其餘潛太英霍桐舒等縣皆空虛無兵深慮楚豫境內髮捻大股乘隙東竄鮑超一軍自攻克金壇後該處敗匪全股殄除現在常丹兩城已克東壩二溧已經李鴻章派

兵扼守鮑超一軍自可騰出移援徽郡或卽令渡江北防勦潛太英霍桐舒一帶著曾國藩酌量情形妥爲調度至皖北潁亳廬壽等處與豫楚邊境甚近防兵空虛喬松年如何撥兵防守各城堵禦髮捻之處惟當力籌布置曾國藩仍隨時兼顧以期互相策應前諭僧格林沁將陳國瑞一軍調赴皖北爲截勦髮捻東竄之備現在皖北空虛可慮

自應卽以此軍移紮截勦著僧格林沁相機酌度
如果髮捻竄近皖疆卽可令其截擊此外或另有
勁旅可以扼要駐紮豫備緩急之處著僧格林沁
會國藩隨時會商辦理淮徐一帶著吳棠撥兵駐
守並與臨淮各軍聯絡聲勢天長六合一帶著富
明阿將援勦鎮江之揚營兵勇撤回移紮該處嚴
密堵遏仍著曾國藩與富明阿吳棠喬松年互相

援應髮逆大股現在屬聚隨棗鍾京等處鄂省兵力尙敷堵剿官文嚴樹森當嚴督諸軍將該逆就地殄盡不可令其竄入皖境金陵官軍攻破朝陽等門月圍殲賊甚衆正當乘該匪窮蹙之時力籌攻拔並著李鴻章將丹陽常郡餘匪搜捕淨絕分布諸軍嚴扼要路以防金陵逆股外竄值此功在垂成各路將帥及封疆大吏俱宜振刷精神統籌

兼顧以期及早蔽功

上諭內閣曰此次官軍進攻金壇誘賊出戰收復縣城勦辦甚爲得手仍著將敗殘餘匪迅速殲除毋任竄逸遊擊張遇春馳入賊陣奮不顧身著以副將儘先補用其餘出力員弁兵勇卽著彙入東壩句容各案查明保奏力戰陣亡之參將鮑昌齡都司宋連陞王正禮均著交部從優議卹